

侍衛送迎

正一受道威儀次當詣師奉受九宮得九六害神符不受之者九厄六害覆犯子形六天兇鬼得肆其威受之者萬災不干百邪避之三界五帝奉子身形

正一受道威儀次當詣師奉受九天兵符九天真符不受之者三五神兵不隨子東西出入人間不來侍衛受之者三五神兵隨子東西出入侍衛萬邪不干役名神靈敢不敬從一切鬼神皆憚其威

正一受道威儀次當詣師奉受天靈赤官元命符錄不受之者天神地祇不降爾身真官散亂身神飛颺受之者天地兵馬隨爾所須身中吏兵纏繞其形坐卧安和夢想不驚
正一受道威儀次當詣師奉受二十八宿七星符錄不受之者諸天星官不降爾身延年保命天官不降請名不降受之者名上天官保命延年祈請星官立休所言得道昇仙天門自開
正一受道威儀次當詣師奉受都章畢印四

部禁惡不受之者奏章行符禁制方術神炁不從關啓不聞受之者符章禁視莫不如言
正一受道威儀次當詣師奉受三百大章千二百官不受之者章中吏兵不受爾言徒爲謹按身反招惡受之奉行如神心言此至要慎勿輕傳傳科修行無諸災患

正一受道威儀次當詣師受紫宮大錄不受之者爲國消災正天分度天官不從受之勤行天應爾心所求所願諸天順從得道昇天星官下迎天門開通魔王保名

正一受道威儀次當詣師奉受破魔錄不受之者神炁不行穢惡不消行符敕水召鬼束靈真神逆散妖邪干形受之蕩穢人鬼清明
正一受道威儀次當詣師奉受七十二戒百八十戒不受之者三界四司考罰爾身名削善簿字列罪科生死父母不免三塗受之奉行諸天稱慶鬼神所宗七祖生天身登雲宮
正一受道威儀經戒符錄不詣師受行之不神反得偷盜之罪須詣師受依法修行略舉要領諸宜如之

正一受道威儀凡欲受道先詣師門丹齋拜伏師許授辭請經戒符錄書寫如法齋糧質信法水法物並備具已然後登壇啓告裂券斷盟列辭自狀皆當據日隔月不得頻繁及默許易從

正一受道威儀夫受道須詣有經戒符錄之師不得虛傳聲譽妄受真經此道大禁還考九幽

正一受道威儀師無法不得妄授弟子拜請虛傳盟誓風刀萬劫七祖同辜切慎之焉

正一受道威儀同姓九祖服從已來不得傳授以爲師資所以者何師資犯約九祖同考
正一受道威儀有法即師勿論奴僕下隸若身無戒錄天之上尊亦不得師尊法故也
正一受道威儀登壇皆須立三師五保監臨授度檢察得失用對三天五帝之司
正一受道威儀登壇付授已便令弟子冠帶法服傳其位號弟子稱位號朝本師及太上十方也
正一受道威儀受道畢以黃素書三師名諱

形狀年幾及登壇三師五保與弟子

正一受道威儀受道各依法位尊卑不得叨謬即俗人不得與清信弟子同坐清信弟子不得與清信道士同坐清信道士不得與正一道士同坐正一道士不得與高玄法師同

坐高玄法師不得與洞神法師同坐洞神法師不得與洞玄法師同坐洞玄法師不得與洞真法師同坐洞真法師不得與大洞法師同坐登壇行道齋戒講說私房別室行住坐卧以此位號為其尊卑上中下座宜相咨白請益決當自謙下敬重法教勿損威儀

正一法服威儀受道先具法服玄冠絳褐黃裙披襴草履執笏授既已便當冠帶

正一法服威儀法服不得用五色綾羅綺當以繪布制度如法常須清淨勿過三通

正一法服威儀法服不得輒去身若浣濯替代勿令俗人犯觸混雜凡衣常有神男神女守護

正一法服威儀法服不得假借當須自備若破壞任以火淨化之苦住山林靜處或埋座

之

正一法服威儀法服脫著置清淨之處如詣廁溷把諸物皆先洗濯手足然後取之正一入靖威儀先整頓法服澡漱祝誦旋行唱讚並須如法不得隨宜吏兵謫言

正一入靖威儀登壇入室臨事不得責罵於人及與外人交言左右迴顧執心不專正一入靖威儀靖中所須皆當預備不得臨時闕少呼外人求索

正一入靖威儀入靖脫著履屐皆須面向經像不得迴背出入舉足隨其左右順其陰陽

正一啓奏威儀西面平立執簡曲躬調聲正氣直詞小語樸略曲素勿得厲聲繁飾

正一啓奏威儀至心丹禱情訴懇惻隨事簡要勿失威儀為己及人皆當一意不得惰慢

正一啓奏威儀凡諸所請先自悔過然後請事言辭摺正情理須中勿多綺飾失其誠懇

正一啓奏威儀初中後心皆當專一言辭准定事意齊同不得旦夕異陳初恭終慢

正一讀經威儀冠帶祝漱捻香存念須依本

文端身恭坐調柔聲氣至心誦讀從標至軸不得中停

正一讀經威儀讀經須心心相繼念念不絕無中漏忘若誤言句却五百言畢啟謝自歎厥懷

正一讀經威儀五百言若干言及章末輒許嚙液飲諸清水以利聲氣於法不虧

正一讀經威儀畢卷若有事中起時收經入函韞三檢香禮拜還亦如之

正一讀經威儀先當洗手熏手及經然後讀之竟復斂淨洗手不得正爾便行

正一讀經威儀讀經皆先就師受其音旨句度諳識文字不得經堂之中臨事交錯誼亂衆人

正一讀經威儀讀經之時不得受人借問文句意義及為人解說問難處分他事雜亂真靈

正一讀經威儀經中不了須有諮訣及問文字句度皆當別時就師拜請勿得隨宜輒則諮求

正一講經威儀弟子先當誦白法師為某等若男女若某事請於某處講說某經願見開悟

正一講經威儀法師許已裝嚴高座於講堂中百座千座皆當如法威儀可觀

正一講經威儀安置高座東西南北隨其所宜左經右師男東女西勿令混雜失其威儀

正一講經威儀如意几拂香鑪函經案中怕幡華帳蓋敷張林席悉須如法不得隨宜

正一講經威儀弟子聽眾各持香華幡幢音樂唱讚導引燒香禮拜迎請法師隨時來往不得闕怠

正一講經威儀法師隨事為諸道俗懺悔禮願受戒持齋時時勸化使悟道真弘道利物於此為先

正一講經威儀法師以講經功德裝嚴國主人王大臣宰輔土地官長人民品物五苦三塗一切眾生悟道成真

正一講經威儀講經畢弟子及諸聽眾一切有心隨分發意建大寶齋福被無邊

正一事師威儀旦夕正其法服執簡朝本師三師如父母禮若同居住晨昏省親和顏悅色

正一事師威儀遠師百里一月一省二百里三月五百里已上一年若師有疾病老劣他

故不依此限書疏無限正一事師威儀省師皆自齋糧食所須香油

之屬悉不得損耗於師正一事師威儀弟子以時賞師衣服藥物几

杖中拂履屨瓶器米麥果菜供其所須勿使乏少

正一事師威儀師有疾病災厄侍左右為建功德燒香禮懺放生贖命延年度厄設齋行道

正一事師威儀師亡持服百日心喪三年殯

諸山林几棺布囊舉尸而已造眾福田思念容止

正一奉齋威儀為己及人建諸齋福皆須精志所有米麥並須清淨不得假換私竊非義等物

正一奉齋威儀凡為吉山生死福業先當脩齋造一切功德成就日皆須設齋慶喜

正一奉齋威儀凡齋皆有三界五帝四司靈官監察其所供齋用不得行穢偷竊

正一奉齋威儀登齋供施若貴若賤若老若少皆當平等不得生諸二心起愛憎念

正一奉齋威儀所請齋官隨分施散名為買福不得口許心悔生不均意起怠慢想

正一奉齋威儀齋官起供俵位行列啓告陳請各稱名位不得交互須依次第告知勿使偏併不平

正一奉齋威儀主人列辭具陳事意詣諸投辭法師受疏俵名告赴不得違越失時更受便近家供

正一奉齋威儀齋官隨分食已餘便折還主人不得將歸清淨衆食亦不得啖各宜慎之

正一奉齋威儀八斛十直甲子庚申本命八節吉辰皆宜持齋三界五帝四天十部悉來監臨

正一受誠威儀三戒五戒六戒九戒十二可

從戒二十七戒四十六戒七十二戒八十戒百二十戒三百戒各依法受持

正一受戒威儀若國主人王大臣宰輔人民男女及以鬼神一切衆生各隨分授與救護戒神官使其營衛萬災不干

正一受戒威儀持戒之人不得與非持戒人同牀共席行住坐卧飲食居止衣服履屨車輿杖皆宜異之

正一懺悔威儀旦夕朝真登壇入靖讀經禮拜先當懺悔國主人王大臣宰輔土地官長父母師尊三塗五苦一切衆生後及己身

正一懺悔威儀行住坐卧舉心運意三業六根故誤成罪猶如沙塵注心懺悔後心不生一切清淨萬罪消除

正一禮拜威儀入靖朝真行住坐卧若心及形禮拜五億諸天十方世界真應化法無量天尊仙真聖衆

正一禮拜威儀動心運形歸依虛空微塵沙數過去未來見在三世無極大道大身小身無量等身一切敬禮

正一燃燈威儀燈象星形助天光明延年續

正一禮拜威儀上自大羅下窮無際十方三界大道應化說法演教三十六部真法化法外藏內藏符圖寶經普起歸依

正一燒香威儀先當洗拭香奩鑪焚匙盤灰炭等具然後裝治平正燈淨火不見赤法則可觀

正一燒香威儀所有灰炭火等皆當別貯不得以竈下囊餘及不淨柴薪筆穢非法處灰火

正一燒香威儀凡是捻香皆須三指端身正意坐立宜就取便三指捻之每當三獻使煙氣相續不得中停

正一燒香威儀祈告啓請入靖登壇使晝夜相續勿令斷絕而神道無形寄香氣宣通

正一燒香威儀凡諸讀經行道齋戒禮誦講說祈告皆先行香三周然後列辭

正一燒香威儀上界天香千名萬號不焚自熏迎風隨雲周徧十方下界凡境任世有無衆事之中唯此難闕

正一燃燈威儀燈象星形助天光明延年續

命却禍消災一燈十燈百燈千燈萬萬億燈在時所能

正一燃燈威儀行道讀經禮拜講說周繞壇座如環列星一萬二千應天之精晝沒夜明順悉修行

正一燃燈威儀然燈去地三尺作籠蓋之勿使飛蟲得入及絕風塵飄汗

正一鳴鐘威儀鐘者威儀寶器四衆所聽六時急務不可闕也左鐘右經皆置臺閣舉之時皆須整頓衣服洗手漱口調正身心先叩齒誦呪然後打之

正一鳴鐘威儀打鐘法先須概漸疎徐打三槌上謂之三下後先概漸疎徐打二十四槌概之謂之長打復初漸概徐打十二槌謂之終合三十九槌以應三十九戶

正一鳴鐘威儀三下鐘安致燈火整飾席座澡漱冠帶悉須如法候打長鐘徐徐舉出之衆會所依位行列香華贊引並宜齊整待後起鐘唱導舉聲行不得臨時追迫失其威儀

正一鳴鐘威儀三下鐘安致燈火整飾席座澡漱冠帶悉須如法候打長鐘徐徐舉出之衆會所依位行列香華贊引並宜齊整待後起鐘唱導舉聲行不得臨時追迫失其威儀

正一鳴鐘威儀三下鐘安致燈火整飾席座澡漱冠帶悉須如法候打長鐘徐徐舉出之衆會所依位行列香華贊引並宜齊整待後起鐘唱導舉聲行不得臨時追迫失其威儀

正一鳴鐘威儀不得失時及非法打擊若非時集眾別立小鐘

正一鳴磬威儀以正節登壇入室威儀所須每禮拜稱善初終導引俯仰節度齋講坐起皆當擊之

正一章奏威儀章法最難慎不得輕紙墨令淨辭狀正宜須合真氣勿使謬妄更兵陳論正一章奏威儀拜章面向隨其所申皆當別立席座中案如法低身小坐平聲讀之勿得高傲不恭

正一章奏威儀不受治錄千二百官君三百六十大章都章畢印皆不合奏章出官各出身中仙官不得謬濫

正一醮請威儀離者祈天地神靈之享也亦有多種所有齋果並須清潔不得肉脯掌穢天官不祐

正一醮請威儀所脫信物不得假借闕少不充欺誑明靈事畢施散山棲道士饑寒老病因徒役人

正一醮請威儀事畢所設齋果食訖餘皆埋

之

正一醮請威儀當夜半已後日中之前生氣之時

正一醮請威儀所用餅果並須芳新不得經宿及生產尸穢家鳥鼠食餘則神靈不歆徒

失爾功

正一法具威儀道士法具香鑪澡灌凡拂如意環珮劍杖當常整飾安置供養隨事所須

正一食器威儀道士食器三重匙挾巾帕並須如法不得用金銀寶玉牙角雕鏤混雜凡

器常須清淨

正一器用威儀道士器用漱盤盥生食盤注留盥盥椅香目杵合藥釜甑隨事所宜不可假借

正一居處威儀道士居處樸素虛淨內外開通勿張帳幔簾幌屏障之屬遮擁左右

正一居處威儀道士居處卑房小室容身而已不得高堂廣屋雕畫楹室華麗顯敞

正一居處威儀道士居處依壁敷牀不得前後合鋪坐卧獨居勿同諸凡人

正一居處威儀道士居處製牀布被簾席蒲蓋繩牀夾漆木盤瓦器不得用銅鐵金銀

正一卧具威儀布單布被枕石木屨及裙襦衫袴皆當繪布染作荊黃梔子竹葉黃芩壞色

正一履履威儀作山形二儀皮布緩飾不得五色錦綺裝璜若草屨木屨皆須異俗勿雜世凡

正一泉井威儀道士居住先須井泉常使清淨勿令六畜雜物汙穢皆別立泉井浣濯飲

食牛馬畜產

正一井泉威儀凡諸泉井須數淘泄勿使草木華葉蛙蠅落中人家客院各立井泉無雜供齋所用

正一用水威儀凡諸造食煎炊藥物洗浣衣服沐浴澡潔所須用水皆立濾器令甚細密

先當濾之

正一飲食威儀道士飲食滿腹而已勿求精細常當奉齋非時非法悉不得食

正一飲食威儀道士常當受食呪施出種種

食別安器中存見三一與形俱食以挾三擊器就食別器布散衆生

正一飲食威儀道士各立齋器巾挾當清淨日供所須不得與人同器共食及給他用穢悉混雜

正一飲食威儀道士飲食不得使人穢觸所食之物不得臨上令口氣衣服汗穢餘便施散不得積聚將歸

正一飲食威儀道士食訖乞懺然後施散不得中舉乞人及使僕侍從雞狗之流監齋真官皆見謫罰名書三官

正一動止威儀道士行住坐卧皆當合道正容斂色端直其身不得傾斜失其儀相威儀先首可不慎之

正一遊行威儀道士遊詣府署省侍師尊教化人間齋請入俗五人三人皆當依法序正其容儀不得交雜軌則有失

正一遊行威儀道士遊詣人間及赴齋講各持座褥隨處自居既限穢氣又別尊卑上中下座大小同制

正一住觀威儀道士既入道訖即須住觀持護法相旦夕燒香朝真禮懺奉侍師尊受持禁戒諮問大德學道方法

正一住觀威儀更相教誨自惜法身修善止惡存念三寶應惠和柔每事恭順成就道場

外人干犯皆當念忍

正一住觀威儀上下和睦尊卑信順知運手足存立常住香油米麥糗菜等物相共營求皆同一已不得費用

正一住觀威儀莊田碾磑家人使役五行什物六畜器具果木華藥一切所須皆共愛惜供養十方當來福田

正一住觀威儀尊像經法幡華帳座堂殿樓閣牀席氈褥鐘磬几拂常共建立悉使精華無令闕少

正一住觀威儀常住衆物及三寶財草葉華果毫芥已上不得輒自費用及以乞人其罪至重死入三塗過去未來見在三世已身父母兄弟姊妹及其子孫貧窮下賤瞽盲瘡痂風癩惡癰疽狂孽躄水火兵傷

正一死亡威儀若師尊同學亡打鐘三百六十槌告終法徒畢集哭泣三聲燒香讀經暨其藏殮依用法式

正一死亡威儀凡棺布囊舉尸送山林藪澤入土而已不得立墳封樹丘壠

正一死亡威儀正一符籙券契環劍布囊盛之隨身入土

正一死亡威儀書七十二符安佩尸形如法拜戊己章棺殮章法服隨身

正一死亡威儀亡師所有衣物牀卧等具資送之餘脩牒名目施入常住若親若疎若內若外皆不得犯

正一死亡威儀師若無財物資送當用常住及齋供福田並以衆物所以生死同依常住師天尊也

太上謂天師道陵曰凡一百三十二條正一威儀昔在龍漢劫終於玉清三華便殿詣師元始天尊奉受是時元始天尊對太上道君九天真師元始丈人三十二天帝五老上真無極神王命五帝玉童披九雲之輶出此威

儀分付與我曰子當流布三界十方無極世界一切男女有善心者皆傳與之吾得已來經今五劫隨處教化徧滿人天上聖真仙悉皆奉受書之金簡秘諸天官今應授子汝其遵崇敬則福至世則禍臻元始明戒宜慎之焉道陵稽首禮謝曰臣入證未久屢遭慈需教誨懇懇賜授經法不測深淺更示科戒微妙難思敢不盡心依科奉行於是諸天聖衆同聲稱善俱入太空

正一威儀經

玄門十事威儀

忠二

爾時太上老君告無想真人等眾法服科戒已又說威儀十事未與子宣今授此言最爲切要如人欲行非足不步欲進妙道非門不八十事科戒爲道之門入吾門者欲與仙齊隔離外俗凡夫之人若持十事者名爲不凡夫生死因緣罪惡輪轉毀辱法身輕慢法服進道無序善業不生人我自恣無慚愧之心九幽大罪日夜增長行住坐卧出入有法如是凡夫衆生不異真仙大聖不喜見聞天魔神鬼皆所惡嫉人王君長不生恭敬十方男女無不輕薄自無功德長他惡根兩頭營罪苦報何極吾見此輩痛哉寒心今故殷勤重告於子宜遵奉行曉示來學提攜指掌必令調熟十事成就諸天鑒觀十方人天天魔神鬼悉皆畏敬咸生善意無敢違犯增長福田善果善生功德無量能如是者是我弟子堪傳妙法道宜遠近不如是者魔鬼眷屬日夕親近不得遠離無想等聞是妙旨稽首心驚慚愧悲喜交集涕淚俱下願聞十事威儀彌

初奉行太上曰

- 一者執壇
- 二者禮謁
- 三者出入
- 四者坐起
- 五者執瓶
- 六者洗漱
- 七者巾器
- 八者齋食

九者請法

十者護持

此之十事是吾教門中事也當付汝等習而行之勸教男女昇入仙品無想稽首扣頭著地長跪信受

執坐壇品第一

夫坐壇者隔凡去穢護淨自持擅道德之不羣慕天真之高迹

第一起坐出入常不離身若因事暫放不得輒安雜穢之所先以具拂拭其所或以淨物盛之第二每將行用或掛膊上或搭左手以緣口向外第三每欲作拜禮先將右手提角懸起便將左手以三指挾極兩頭平放下面著地第四先舉左足心安第二稜上立次舉右足向上半跪而鋪務在平正第五拱手起退右足歸第二稜上立平穩乃禮三拜訖第